

Bible for pikin dem
di show



Heaven,
papa God
E Fine
House



Na write am: Edward Hughes

Na describe am: Lazarus
Alastair Paterson

Na match am: Sarah S.

Na translate am: christian-translation.com


Na produce am: Bible for Children
www.M1914.org

©2021 Bible for Children, Inc.


License: You get right for copy or print this
tori so far as you no go sell am.




Time way Jesus be stay for earth, E be
tok for E disciple dem about Heaven.
E call am say, "Ma Papa
E House", den tok say
plenty mansion
dem dey for dey.




Mansion na very big fine house.
Heaven be over big and fine
pass all house
dem for earth.



Jesus be tok say, "I di go for fix place for wona. And if I go fix place for wona, I go came again den take you we do."



Jesus be den go for Heaven and after E
came back from die. As disciple dem be
di look am, na so Jesus fly for up and
enter inside cloud soteh go loss for
their eye.




Since dat time, Christians dem don memba Jesus E promise for come back and take dem. Jesus tok say E go come back very soon time way no man be prepare.




But den how for Christians dem
way go die before go came?
Bible tok say dem di go one
time for dey with Jesus.
For be absent wit
the skin na for be
presnt wit God.



Revelation, the last book inside Bible we
the way Heaven fine. The most wonderful
tin na say for some kind na special way,
Heaven na papa God E house. God dey
all side but E Chair
dey na for Heaven.




Angel dem and other tins dem for Heaven
di worship papa God for Heaven. Na so
too all papa God E pipo
dem way die and go for
Heaven di do. Dem di sing
special song
dem for
praise
papa God.




Na some tok dem dis from one son way
dem di sing: YOU BE SPECIAL BECOS
YOU BRING WE BACK
FOR PAPA GOD BY YOUR
BLOOD WAY COMOT
FOR ALL SIDE AND YOU
MAKE WE
KING DEM
AND
CHURCH
PIPO FOR
WA GOD.
(Rev. 5:9)




The last pages dem for Bible di describe Heaven like "The New Jerusalem". E be very very big with some big wall for outside. The make the wall na wit jasper stone dem way di shine like crystal.




Jewel and precious stones dem cover the foundation for the wall and way di shine with fin color dem. The make all the city gate dem na wit very big pearl!




The very big shining gate dem no di
ever lock. Make we enter see am small...
WOW!



Inside for heaven over fine. The make
the city na wit pure gold way di shine like
clear glass. Even place way dem di waka
too dey na
wit gold.




Some fine shining river for water way
di give life di comot for papa God E
chair. For each corner for the river
na tree for life way dem be first see
am na inside Garden of Eden.



Na very special tree. E di make twelve different kind fruit dem and na each fruit every month. Den the di use the leaves dem for the tree of life for cure pipo.



Heaven no need sun or moon for light.
God E own glory di flop am wit wondaful
light. Night no di exist for dey.



Even animal dem for Heaven dey different. All dem be friend with all man. Wolve and lamb dem di chop grass together. Even very big lion dem di straw like ox. God tok say, "Dem no go hurt or destroy inside E holy mountain."



Time way we di
look around, we
di see say some
tins dem no dey
Heaven. No man
no di vex. No
man no di fight
or deny persin
something.



Dem no di lock
door dem becos
no thief man
no dey for
Heaven. Liar,
witchman, and
killer or wicked
pipo no dey.
No bad tin
no dey Heaven.




With papa God no cry
cry no dey for Heaven.
Sometime dem papa God
E pipo dem di cry becos
of big worry for this life.
Papa God di wipe all cry
for Heaven.




Man no di die for Heaven. Papa God E
pipo go always dey wit E for ever.
No worry, no cry and no pain still dey.
No sick and no
funerals.

All man for
Heaven di
glad for
ever wit
God.




The best part na say, Heaven na for boy and girl dem (and also old pipo dem) way take Jesus like their savior and di follow E as their God.



Some book dey for Heaven way dem di call am say Lamb's Book for Life. Na pipo their name dem dey inside. You know the pipo way their name dem dey inside? The pipo way di follow Jesus.

Ya name dey inside?




Bible e last tok dem about Heaven
be na wondaful invitation.



"Den Spirit and the bride tok say, 'Come!'
And make the persin way hear tok say
'Come!' And make e way di thirsty came.
And make all man way want came take

water for life
free of
charge."



Heaven, papa God E Fine House

Tori from Papa God e tok, way na
Bible,

dey inside

John 14; 2 Corinthians 5;
Revelation 4, 21, 22

"When you tok dem di enter e di
bring light." Psalm 119:130



The End



Dis tory for bible di tok for we sika wa wandaful God way make we and way want am say make you sabi yi.

Papa God sabi say we don do bad tins dem, way e di call am say sin. Punishment for dis bad tin na die, but papa God like we sotey e send e only boy pikin, Jesus, for came die for cross for sika our bad tins dem. After Jesus wokop for die den go him back for Heaven! If you mimba for Jesus and ask e for forget all your bad dem, e go do am! E go cam stay wit you just now, and you go di stay with e for ever.



If you mimba say dis one na true,
tok dis one for papa God:

Papa Jesus, I mimba say you be na Papa
God, and you become man pikin for die
for sika my bad dem, and now you di live
again. Abeg come for inside my life and
forget all my bad dem, so dat I fit get
another life just now, and one day I go
be wit for ever. Helep me for obey you
and stay wit you like your pikin. Amen.

Call Bible and tok all day wit papa God!
John 3:16

